

證治要訣

卷十九

卷七 寒熱門 卷七 瘧寒熱 一上 獨寒 三上 獨熱 三下 潮熱 四上 附虛煩

卷八 以腑門 卷八 便多 一上 淋閉 二下 尿血 四上 白濁 四上 遺精 五上 附遺瀝夢遺 三消 六下 大便秘 六下 瀉泄 六下 交腸 七上 瀉血 七上 附風濕毒 痢疾 八上 附脫肛

卷九 虛損門 卷九 五勞 一上 盜汗 四上 自汗 四上 眩暈 五下 虛炎短乏 六下 驚悸 七上 附健忘 怔忡 七下 五癇 八下 顛狂 九下 不寐 九下

卷十 拾遺門 卷十 渴病 一上 痘瘡 二下 眼疾 三下 耳 五上 鼻 五下 舌 六下 附聲音

卷十一 瘡毒門 卷十一 癰疽瘡毒 一上 附發背腸 瘰癧 四上 附疔瘰 疔 五上 痘疹 五上 癩風 六下 附下疳方 癰疽 六上 附方傷 癰疽 六下 癰疽 七上 癰疽 八上 癰疽 九下

卷十二 婦人門 卷十二 經事不調 一上 血痛 二上 附血瘕 血虛 二下 崩中 三上 赤白帶 六下 胎前產後 四上

症治要訣

卷七 十一

秘傳證治要訣卷七

大醫院使戴元禮述

寒熱門

瘧寒熱

瘧證不一。其名亦殊。初得之病。勢正熾。一二發間。未宜遽截。不問寒熱多少。且用清脾飲。草果飲。或二陳湯。加草果半錢。或生料平胃散。加草果半錢。前胡半錢。亦有非瘧非勞等疾。而自成寒熱。乃是痰飲爲之。不可不審。去痰行飲則愈。

初發之際。風寒在表。雖寒熱過後。而身體常自疼常。

自晨風宜草果飲。或養胃湯。每服加川芎草果各半錢。熱少者進取微汗。寒多者宜快脾湯。或養胃湯。每服加草果半錢。服藥後寒仍多者。養胃湯。每服加熟附官桂各半錢。獨寒者尤宜。不効則七棗湯。熱多者宜驅瘧飲。或參蘇飲。每服加草果半錢。大熱不除。宜小柴胡湯。渴甚則佐以五苓散。入辰砂少許。獨熱無寒。宜小柴胡湯。熱雖劇不甚渴者。於本方加桂四分。熱多而脾氣怯者。柴朴湯。寒熱俱等者。常服宜如上項二陳湯。平胃散。加料之法。發日進柴胡桂姜湯。候可截則截之。有獨熱用清脾飲効者。內煩增參作一。

錢重然恐非特可治獨熱也

食瘧乃是飲食傷脾得之

或瘧已成而猶不思口。或寒熱正作時。吃食其人噫氣吞酸。胸膈不利。宜生料平胃散。每服加草果半錢。砂仁半錢。仍佐以紅丸子七香散。

暑瘧其人面垢口渴。雖熱已退。後無事之時。亦常有汗。宜養胃湯一貼。香薷飲一貼。和勻作二服。渴甚汗出多者。加味香薷飲。間進辰砂五苓散。不問未發其人嘔吐痰食俱出。宜多進二陳湯。每服草果加之半錢。又恐伏暑蘊結爲痰。宜消暑丸。更於暑瘧口求之。

有四五發已後應諸證並可截瘧丹未愈再進

久瘧經年累月名曰瘧母又名勞瘧不宜十分攻之所謂久瘧不治者是也進四獸飲間山甲圓瘧愈後調理宜生料平胃散每服加人參茯苓各半錢或用四君子湯加陳皮一錢半卽異攻散

外有傷寒往來寒熱如瘧勞病往來寒熱亦如瘧謂之如瘧非真瘧也然傷寒寒熱如瘧初必惡風寒發熱頭痛體疼自太陽經而來勞病寒熱如瘧初必五心發煩熱勞倦咳嗽久乃成寒熱與正瘧自不同諸病皆有寒熱如失血痰飲癥瘕積聚小腸癰氣風寒

暑濕食傷發勞。勞瘵瘡毒脚氣。已各見本門。其餘不能盡舉。應有不如發瘧之傳。爲寒熱者。須問其元有何病而生寒熱。則隨病施治。寒熱發作。有期者瘧也。無期者諸病也。

近世因寒熱發作。見其指甲青黑。遂名曰沙。或憂或挑。或灌以油茶。且禁其服藥。此病卽是南方瘴氣。生料平胃散。加草果檳榔。正宜所治。豈有病而無藥哉。

獨寒

有寒而未卽爲熱者。或寒一二日後方熱。有寒而終於無熱者。惟傷寒有此爲多。他證亦或有之。當隨証

施治

有虛常自畏寒。或覺冷在骨肉間。或冷從下起。經旬積月。宜以果附爲君治之。

獨熱

三消諸失血後。蓐勞久痢諸虛後。發熱者。皆非美證。有當直攻其發者。有不當專治其熱者。因他病而發爲熱者也。當隨証用藥。中加入退熱藥。

外有每遇夜身發微熱。病人不覺。早起動作無事。飲食如常。旣無別証可疑。只是血虛。陰不濟陽。宜潤補之。參蘇飲二分。四物湯一分和勻。名茯苓補心湯。候

熱稍減。繼以養榮湯。十全大補湯。

又有服金石辛熱者。甘草烏豆湯下。火邪者。艾湯下。飲食者。乾姜湯下。炙燂者。枳殼甘草湯下。

潮熱附虛煩

潮熱有二。有實而潮熱者。有虛而潮熱者。惟傷寒日晡發熱。乃胃實。別無虛証。

其餘有潮熱者。當審其虛實。若潮熱大便堅澀。喜冷畏熱。心下幅然。睡卧不着。此皆氣盛。所謂實而潮熱者也。輕宜參蘇飲。重則小柴胡湯。

若潮熱而氣消乏。精神憔悴。飲食減少。日漸羸瘦。雖

病斃去。而五心常有餘熱。此屬虛證。宜茯苓補心湯。十全大補湯。養榮湯之類。病後欠調理者。八珍散主之。
有潮熱似虛。胸膈痞塞。背心疼痛。服補藥不効者。此乃飲証。隨氣而潮。故熱隨飲而亦潮。宜於傷飲中尋藥。

諸汗併霍亂吐瀉後。應有滲泄。而津液去多。五內枯燥者。皆能虛煩。以陰血不足。以濟陽。陽氣偏勝。故虛熱而煩。宜參蘇飲。去蘓。倍參。加麥門冬半錢。煩而渴者。獨味人參湯。加以小便不利者。春澤湯。加以心經

熱而躁者。辰砂五苓散。煩而嘔。不喜食者。橘皮湯。煩而睡不寧者。溫膽湯。大煩身熱甚者。竹葉石膏湯。血虛生煩。見前諸證者。茯苓補心湯。外有一得病時節。即惡寒。身不疼。頭不痛。但煩熱者。亦名虛煩。內外俱不可攻之。必遂損竭。宜參蘇飲。去蘇。倍參。或更加石膏半錢。不愈者。竹葉石膏湯。兼有上項證候者。於前藥選用。其人虛甚。不宜專用涼劑者。茯苓補心湯。

明新安吳勉學校梓

秘傳證治要訣卷七

卷七

五

尚

陳安吳

藥效其入乳甚不宜專用乳味苦芥芥餅以爲
膏半匙不愈芥芥葉可膏爲無市上更強外香然
不可如之必殺計雖宜參蘓切去蘓切參切更切
明惡寒者不效更不效則更熱者更效也
宜坐臥長前睡芥芥芥餅心散長市一付缺報
而部不寧芥餅製大更良時苦芥芥葉可膏爲
燒而製芥芥切正芥切更而部不寧食芥餅更

秘傳證治要訣卷八

太醫院使戴元禮述

大小腑門

小便多

小便多者。乃下元虛冷。腎不攝水。以致滲泄。宜克絲子丸。八味丸。玄菟丹。生料鹿茸丸。

有人每日從早至午前。定尿四次。一日之間。又自無事。此腎虛所致。亦由脾腎泄。早泄而晚愈。次日又復然者也。

若小便常急。徧數雖多。而所出常少。放了復急。不澀。

痛却非淋証。亦有小便畢。少頃忽再出些。小者多因
自忍尿。或忍尿行房事而然。宜生料五苓散。減澤瀉
之半。加阿膠一錢。吞八味丸。此丸須用五味子者。

睡着遺尿者。此亦下元冷。小便無禁而然。宜大兎絲

子在。猪胞多碎煎湯下。

凡遺尿皆屬虛。古書云。實則六氣虛則遺尿。

有盛喜致小便多。日夜無度。喜極傷心。心與小腸
爲表裏。宜分清飲。四七湯。各半貼和煎。仍以辰砂妙
香散吞小兎絲子丸。或玄兎丹。

淋閉

古名曰癰者罷也。不通爲癰。不約爲遺。小便滴瀝澁。

痛者謂之淋。小便急滿不通者謂之閉。宜五苓散。燈
心湯調服。暑月多有此患。止宜本藥。閉而不通。臍下
脹爲癰起。以燈心湯五苓散。或洗慈湯。調獨味琥珀
末。仍令其以鹽填臍下。更滴之以水。
若服涼藥不效。審是冷秘。宜炒鹽熨其小腹。或洗慈
湯薰洗。有腹急而小便若不通。用劑愈甚。宜以鹽實
臍中。就鹽上灼艾十來壯。

有淋病下諸通便劑愈不通。用木香流氣飲。或別用
通氣香劑纔愈者。此乃氣淋。出於冷熱淋之外。不
有似淋非淋。小便色如米泔。或便中有如鼻涕之狀。

此乃精尿俱出。精塞竅道。故便欲出。不能而痛。宜大
絲子圓。鹿茸圓之類。然此卽膏淋。謂其非淋。亦不可
血淋一証。須看血色。分冷熱。色鮮者。心小腸實熱。色
瘀者。腎膀胱虛冷。若的是冷淋。及下元虛冷。血色瘀
者。並宜漢椒根剉碎。不拘多少。白水煎候冷進。

小便澀痛。常急欲溺。及去點滴。莖中痛不可忍者。此

五淋病。生料五苓散。加阿膠七分。或五苓散。加車前

子末少許。或五苓散。和益元散等分。或五苓散。並可

吞火府丹。任其多少。服之。思止宜本藥。因之。思

若熱極成淋。服之不效者。且減桂五苓散。加木通滑

石燈心瞿麥各少許。仍令其研麥門冬草連根車前草白龍草蜜水調下。

若淋瀝有血者。宜加五苓散。或生料五苓飲。和五淋飲。或導赤散。仍研地錦草水。解服。進冷劑。愈甚者。此是冷淋。宜地髓湯下。附子八味圓。有因服五苓散等藥不効者。用生料鹿茸圓。却愈。此証病於下元虛冷之故。

有小便艱澀如淋。不痛而痒者。此亦屬虛。宜八味圓。生料鹿茸圓之類。若因思慮。用心過度。致淋。辰砂妙香散。吞威喜圓。或妙香散。和五苓散。